



11

5144
↓



門 5保4
號 5144
卷 1-6

五侯會

光緒丙戌江蘇書局開雕

欽定四庫全書五代會要提要

臣等謹案五代會要三十卷宋王溥撰五代干戈倣攘百度凌夷故府遺規多未暇修舉然五十年閒法制典章尙略具于累朝實錄溥因檢尋舊史條分件繫類輯成編於是建隆二年與唐會要並進詔藏史館後歐陽修作五代史僅列司天職方二考其他均未之及如晉段顥劉昫等之議廟制周王朴之議樂皆事關鉅典亦略而不詳又如經籍鏤板昉自長興千古官書肇端於是崇文善政



豈宜削而不書乃一概刊除尤爲漏略賴溥是編
得以收放失之舊聞厥功甚偉至于租稅類中載
周世宗讀長慶集見元微之所上均田表因令製
素成圖頒賜諸道而歐史乃云世宗見元微之均
田圖是直以圖爲元微之作乖舛尤甚微溥是編
亦無由訂歐史之謬也蓋歐史務談褒貶爲春秋
之遺法是編務核典章爲周官之舊例各明一義
相輔而行讀五代史者又何可無此一書哉

校勘官前將仕郎試祕書省校書郎守秦州天水
縣令宋璋

本朝故相王公溥撰唐及五代會要凡當時制度沿革
粲然條陳無遺唐會要已鏤板於吳而五代會要未甚
傳彥博家藏善本比至蜀請官參用正史考覈亡訛謬
且刻以傳慶曆六年四月望日樞密直學士尙書吏部
員外郎知益州事充益利路兵馬鈐轄文彥博題
國朝王文康公所纂五代會要三十卷慶曆中文忠
烈公帥蜀常刻行之兵興已後久軼其傳元之假守

信安得舊板於江陰以來因併與范魯公所著五代通錄刻板實郡五季之事陋矣亡足云者然而前承唐餘後訖宋興其間五六十載儀物章程官名文法因革損益之由使後世有考者多見此書其可廢乎昔孔子之杞宋得夏時坤乾而取之以其近于用也是亦學士大夫之所宜知也乾道七年三月旦日左宣教郎權發遣衢州軍州主管學士兼管內勸農事施元之書

五代會要目錄

卷一

帝號

雜錄

追諡皇帝

皇后

雜錄

內職

出宮人

卷二

諸王

雜錄

公主

婚禮

親拜郊

雜錄

親享廟

廟儀

卷三

廟制度

禘祫

配享功臣

緣廟裁製

社稷

嶽瀆

寒食拜掃

武成王廟

祭器

牲牢

卷四

緣祀裁製

親謁陵

公卿巡陵

皇后陵

雜錄

忌日

諱

冊命

舉人自代

舉官附

皇太子親王見三師禮

鄉飲

講武

賤表例

卷五

待制官

祥瑞

雜錄

行幸

追賞

節日

獻俘

大內

太寧宮

長春宮

華清宮

諸宮

雜錄

受朝賀

二王三恪

朔望朝參

入閣儀

皇詔刻

卷六

殿閣刻

開延英儀

常朝

廊下餐

輟朝

雜錄

諸侯入朝

百官奏事

親王與朝臣行立位

文武百官朝謁班序

內外官章服

雜錄

戟

論樂上

卷七

雅樂

廟樂

雜錄

卷八

褒崇先聖

釋奠

經籍

服紀

喪葬上

卷九

喪葬下

奪情

定格令

議刑輕重

定賊

論赦宥

徒流人

斷屠釣

卷十

刑法雜錄

歷

渾天儀

漏刻

地震

日蝕

月蝕

彗孛

卷十一

五星凌犯

星聚

流星

山摧

水溢

火

蝗

冰

雜災變

雜錄

功臣

封建

雜錄

封嶽瀆

卷十二

寺

燃燈

雜錄

觀

雜錄

金吾衛

屯衛

京城諸衛

軍雜錄

馬

諡

雜錄

當直

休假

醫術

卷十三

中書門下

起請雜條附

雜錄

門下省

中書省

門下侍郎

中書侍郎

中書舍人

諫議大夫

起居郎

起居舍人

符寶郎

城門郎

金鑾殿學士

端明殿學士

翰林院

卷十四

尚書省

尚書令

左右僕射

左右丞

吏部

司封

司勳

卷十五

考功

兵部

職方

戶部

度支

延資庫使

卷十六

刑部

司門

禮部

祠部

虞部

祕書省

殿中省

內侍省

太常寺

宗正寺

光祿寺

太僕寺

大理寺

鴻臚寺

太府寺

司農寺

少府寺

國子監

卷十七

王府官

致仕官

雜錄

試攝官

偽官

御史臺

御史大夫

御史中丞

侍御史

殿中侍御史

監察御史

御史臺主簿

知班

推事

出使

雜錄

卷十八

史館移置

諸司送史館事例

前代史

修國史

修史官

史館雜錄

宏文館

集賢院

卷十九

留守

開封府

河南府

京兆府

大名府

諸府

都督府

刺史

縣令上

錄事參軍附

卷二十

縣令下

錄事參軍附

簿尉

中外加減官

量戶口定州縣等第

州縣望

州縣分道改置

選事上

卷二十一

選事下

選限

卷二十二

吏曹裁製

雜處置

甲庫

制舉

宏詞拔萃

進士

卷二十三

緣舉雜錄

三禮附三傳

開元禮

明經

童子

明法

科目雜錄

卷二十四

樞密使

建昌宮使

宣徽使

皇城使

元帥兼討平

節度使

卷二十五

親王遙領節度使

宰相遙領節度使

都護府兼討平

軍

諸使雜錄

卷二十六

幕府

租稅

雜錄

團貌

籍帳

逃戶

雜錄

奴婢

道路

卷二十六

街巷

橋梁

關

市

卷城郭

館驛

鹽

麴

鐵

鹽鐵雜條上

卷二十七

鹽鐵雜條下

漕運

倉

疏鑿利人

閉糴

泉貨

諸色料錢上

卷二十八

諸色料錢下

迴鶻

吐渾

奚

卷二十九

契丹

党項羌

于闐

突厥

卷三十

吐蕃

高麗

渤海

新羅

黑水靺鞨

南詔蠻

牂牁蠻

昆明國

占城國

雜錄

五代會要目錄



五代會要卷一

宋

王

溥

撰

帝號

梁太祖神武元聖孝皇帝姓朱氏諱晃

追冊文穆皇帝第三子母曰文

惠皇后

唐大中六年十月二十一日生於單州碭山縣

以其日為大明節

天復元年正月封梁王天祐二年十一月加

相國總百揆改封魏王備九錫四年四月十八日受唐

禪即位於東都金祥殿改名晃

年五十六初名溫又賜名全忠

梁開平

三年正月上尊號曰睿文聖武廣孝皇帝乾化二年六

月五日為其子郢王友珪所弒崩於大內之寢殿年六十一

其年十一月十日葬宣陵在洛京伊闕縣諡曰神武元聖孝皇

帝廟號太祖哀冊文中書侍郎平章事杜曉撰諡冊文門下侍郎平章事趙光逢

撰諡議太常卿李燕撰年號乾平盡四年宰相八人韓文建

楊涉薛貽矩于兢使相二十七人錢殷

張策趙光逢杜曉葉廣略龐巨昭

劉厚符道昭馬寶成羅紹威

高萬興張全義李存節王檀

李重師馮行襲張估王檀

李思諫劉守光劉守文

李仁福高季昌劉守文

末帝諱瑱太祖第四子母曰元貞皇后張氏唐文德元年九月十二日

生於汴州以其日為明聖節梁開平元年五月封均王乾化三

年二月十七日侍衛都將袁象先率禁兵殺郢王於洛

京帝即位於汴州改名瑱年二十六初名友貞其後又改名鐸龍德三年

十月八日唐兵入汴州為控鶴將皇甫麟弒於建國樓

之廊下年三十六後唐同光元年十月追降為庶人莊宗入汴州詔

張全義收罪人首骨藏于太社年號三自乾化三年至

至晉天福二年安崇阮收葬之年號三自乾化三年至

明六年改龍德宰相八人趙光逢鄭兢楊頃

龍德盡二年敬使相三十二人錢鏐馬殷張全義

李琪使相三十二人錢鏐馬殷張全義

楊師厚牛存節王檀劉高季興王審知

高萬興朱友謙劉鄩高季興王審知

五代會要

卷一

溫 韜 葛從周 賀德倫 錢傳璟 賀 瓌

孔 勅 張萬進 尹 皓 李繼韜 馬 綽

杜建徽 袁象先 李仁福 曲 美

康懷英 韓 洙 曲 美

後唐莊宗光聖神閔孝皇帝姓李氏諱存勗追冊武皇帝長子母

日貞簡皇 唐光啟元年十月二十二日生於晉陽宮其

后曹氏 天祐五年正月嗣晉王位二十年四月二十五

壽節 日卽位於魏州武德殿年三十九同光元年十月平僞梁二

年四月上尊號曰昭文睿武至德光孝皇帝四年四月

一日京城軍亂崩於絳霄殿之廊下年四十二天成元年七

月二十二日葬雍陵在洛京新安縣至晉天福二年正月以犯廟諱改為伊陵諡曰

光聖神閔孝皇帝廟號莊宗哀冊文中書侍郎平章事韋說撰諡冊

文 門下侍郎平章 諡議 太常卿 崔協撰 年號 一 同光 盡 宰相 五

人 豆盧革 韋 說 盧 允 使相 三十二人 李 茂 貞

馬 殷 張全義 王審知 高萬興 馬 存

馬 資 錢元璪 錢元球 馬希振 李 仁 福

韓 洙 高季興 朱友謙 丁 會 李 令 德 曠

符存審 魏王繼岌 符 習 溫 韜 李 存 璋 李 存 霸

郭崇韜 孟知祥 元行欽 夏魯奇 錢元瓘 唐咸通

明宗聖德和武欽孝皇帝追冊孝成皇帝長子劉氏唐咸通

八年九月九日生於代北金鳳殿以其日為同光元年

十一月授蕃漢馬步總管四年四月卽位於西宮改名

長興元年四月上尊號曰聖明神武文德

恭孝皇帝四年八月再上尊號曰聖明神武廣道法天

文德恭孝皇帝其年十一月二十六日崩於大內之雍

和殿年六十七清泰元年四月二十七日葬徽陵在洛陽縣

曰聖德和武欽孝皇帝廟號明宗哀冊文左僕射平章

諡冊文吏部尚書平章事劉昫撰諡議太常卿盧年號二天成盡四

四宰相十人馮道 崔草 鄭瑋 任鳳

李愚使相三十八人孟知祥 王建立 趙鳳

安元信 毛璋 符習 霍彥威 安金全

錢元璪 錢元球 趙德鈞 孔勅 高季興

夏魯奇 魯文 安重誨 孔循 房知溫

王建立 王都 王延稟 范延光 趙鳳

趙延翰 馬希範 高從誨 馮贊 馬希杲

姚元素 康義誠 張虔釗 錢元璵 朱宏昭

張延朗

閔帝諱從厚明宗第三子母曰昭懿皇后夏氏唐天祐十一年十一月

二十八日生於晉陽節名長興元年八月封宋王四年

十二月一日自魏府入纂皇統即位於柩前年二應順

元年四月七日廢為鄂王其月九日遇弑于衛州年二

晉天福元年十二月追諡曰閔帝葬徽陵之封中年號

一應順盡宰相三人馮道 李愚使相二十二人

元年

宰相三人

使相二十二人

應順盡

宰相三人

使相二十二人

王思同

安元信

馬希杲

馬希振

馬希範

李從曠

趙德鈞

房知温

馬希範

安彦威

趙延壽

高從誨

錢元球

張虔釗

姚彥章

盧文進

康義誠

朱宏昭

張虔釗

姚彥章

張延朗

錢元瑋

唐光啟元年正月

末帝諱從珂

本姓王氏明宗養為子母曰宣憲皇后魏氏

唐光啟元年正月

二十三日生於鎮州平山縣之外舍

以其日為

長興四

年五月封潞王應順元年四月三日自鳳翔入纂皇統

六日赴西宮即位于柩前年五清泰三年閏十一月二

十六日遇難崩于後樓年五晉天福元年十二月追降

為庶人葬徽陵之封中年號一清泰盡宰相六人李

劉昫 盧文紀 姚顛 使相三十二人 安元信

韓昭允 馬允孫 張延朗 王建立 馮道

馬希杲 盧文進 趙德鈞 房知禮 馬希振

范延光 李從曠 趙昭允 李周 鮑君福

姚彥章 馬希範 韓昭允 李周 鮑君福

高從誨 馬希範 錢元瑋 錢元球 錢元壽

晉高祖聖文章武明德孝皇帝姓石氏諱敬瑭追冊孝

第二子母追冊唐景福元年二月二十八日生於太原

懿皇后何氏汾陽里以其日為長興三年十一月授北京留守兼大

同振武威塞彰國馬步總管清泰三年閏十一月十二

日築壇即位於太原府城之南年四其月二十六日至

洛陽二十九日受朝於文明殿晉天福三年十月五日

五代會要 卷一 五

契丹遣使上尊號曰英武明義皇帝七年六月十三日

崩於鄴都大內之保昌殿年五十一其年十一月十日葬顯

陵在洛京諡曰聖文章武明德孝皇帝廟號高祖哀冊

文中書侍郎平章事和凝撰諡冊文中書侍郎平章事和凝撰議太常卿崔協撰年號

一七年天福盡宰相五人馮道 趙瑩 桑維翰 使相二

十二人馬希範 王建立 張延光 李周 李從進

杜重威侯益 楊光遠 安審琦 安彥威

馬希杲安叔干 李德珣 杜仁誨 桑維翰

鮑君福劉景巖

馬全節

少帝諱重貴高祖從子父敬儒母太妃安氏唐天祐十二年六月二十

七日生於太原汾陽里以其日為啟聖節天福三年十二月授

開封尹封鄭王六年十一月授廣晉尹封齊王七年六

月十三日即位於柩前年二十九開運三年十二月契丹犯

闕明年正月降封負義侯其月舉族遷於契丹之黃龍

府年三十四年號二天福自七年至九年宰相六人馮道

桑維翰李崧使相二十七人高從誨 馬希範

和凝馮玉

朱文進李守貞 石景瑣 楊光遠 杜重威

李從溫李周 景延廣 桑維翰 張從恩

安叔干馮道 趙瑩 李彝殷 符彥卿

皇甫遇高行周 趙在禮 李德珣 安審琦

馬全節安審信

劉景巖

漢高祖睿文聖武昭肅孝皇帝姓劉氏諱暉追冊章聖皇帝長子

母追冊章懿皇后安氏唐乾寧二年二月四日生於太原以其日為聖壽

節晉天福六年七月授北京留守開運二年四月封北

平王四年二月十五日受冊於太原府第其年六月十

一日至東京受朝於崇元殿改名暉年五十三初名知遠乾祐元

年正月二十七日崩於大內萬歲殿年十四其年十一月

二十七日葬睿陵在洛京告成縣諡曰睿文聖武昭肅孝皇帝

廟號高祖哀冊文右僕射平章事蘇禹珪撰諡冊文右僕射平章事蘇禹珪撰

議太常卿張昭撰年號一乾祐盡宰相四人蘇禹珪李

使相二十人高從誨馬希廣錢宏宗杜重威

安審琦侯益劉崇王周李從敏

劉銖白文珂史宏肇慕容彥超安叔干

李彝殷馬暉隱帝諱承祐高祖第二子母曰皇后李氏長興二年三月九日生於

太原以其日為嘉慶節乾祐元年二月一日封周王其日即位

於柩前年十三三年十一月二十二日為左右郭允明弒

于京北之趙村年十二周廣順元年五月追諡曰隱帝其

年八月十二日葬穎陵在許州陽翟縣年號一乾祐盡宰相五

人竇貞固蘇逢吉蘇禹邠使相三十人高從誨馬希廣

錢宏倬	馮暉	高保融	高行周	李守貞
符彥卿	劉錡	安審琦	侯益	李從敏
劉崇超	李彝殷	白文珂	史宏肇	劉行信
慕容彥超	王晏	張彥威	王章	趙武行德
侯章	郭從義	劉贊	史匡懿	王守恩
高允權				
孫方諫				

周太祖聖神恭肅文武孝皇帝姓郭氏諱威追冊章肅

母追冊章德唐天祐元年七月二十八日生於邢州堯

山之舊宅以其日為漢乾祐三年四月授鄴都留守兼

樞密使其年十二月二十七日監國廣順元年正月五

日卽位於崇元殿年四顯德元年正月一日上尊號曰

聖明文武仁德皇帝其月十七日崩於大內之滋德殿

年五其年四月十二日葬嵩陵在鄭州新鄭縣諡曰聖神恭肅

文武孝皇帝廟號太祖哀冊文中書侍郎平諡冊文右

射平章事諡議太常卿年號二顯德盡三年宰相七人

馮道寶貞固蘇禹珪王峻使相四十二人

高保融錢宏倬高行周安審琦符彥卿

李彝殷馮暉王峻李洪義白文珂

慕容彥超張彥威高允權侯益史匡懿

王晏薛懷讓王繼宏王景郭從義

孫方諫王守恩李繼宏扈彥珂折從阮

劉言郭崇勳李筠何福進李宏信

劉言郭崇勳李筠何福進李宏信

王彥超
王逵

世宗睿武孝文皇帝諱榮太祖養子姓柴氏追冊聖穆皇后之姪也唐天祐

十八年九月二十四日生於邢州之別墅以其日為天清節廣

順三年三月授開封尹封晉王顯德元年正月判內外

兵馬事其月二十日即位於柩前年三十四六年六月十九

日崩於大內之萬歲殿年三十九其年十一月一日葬慶陵

在鄭州管城縣諡曰睿武孝文皇帝廟號世宗哀冊文禮部尚書平章

事王溥撰諡冊文中書侍郎平章事魏仁浦撰諡議翰林學士中書舍人

年號一元稱顯德宰相五人范質李穀魏仁浦使

相三十五人

高保融 錢宏俶 王白文 李彥 符彥卿 王珂 李繼宏

趙暉 武從義 王晏 侯章 王繼宏 王景 郭從義 孫方諫 王守恩 李暉

扈彥珂 折從阮 劉詞 郭勳 李宏信 楊信 鄭仁誨 曹英 郭崇 王彥超

李筠 王逵 周行逢 李重進 大將六人 向訓 韓通 張承德 韓通

李重進 張承德 韓通 韓通

恭帝諱宗訓世宗後宮所生廣順三年八月四日生於澶州其

日為天 顯德六年六月封梁王其月十九日即位於柩

前年七七年正月禪位於宋其年降封鄭王年八宋開

寶六年春崩於房陵其年十月追諡恭帝葬順陵宗慶

陵之年號一依舊稱宰相三人范質 王溥 使相

二十人高保融 錢宏俶 符彥卿 武行德 王

郭崇王彥超李筠李重進李宏義

周行逢楊信韓通張永德李宏義

雜錄

唐清泰元年四月羣臣議明宗諡于南郊太常卿盧文

紀請諡曰聖智仁德欽孝皇帝廟號明宗宰臣馮道議

曰按諡法發號出令能悅民曰和克定禍亂曰武大行

皇帝道契天和功定神武請改聖智仁德四字為聖德

和武餘依太常所議從之

晉天福七年八月中書門下奏山陵禮儀使狀高祖尊

號諡及廟號伏准故事將啟殯宮前擇日命太尉率百

僚奉諡冊告天於園丘畢奉諡冊跪讀於靈前此累朝

之制蓋以天命尊極不可稽留今所上高祖聖文章武

明德孝皇帝尊諡寶冊伏緣去洛京地遠寶冊難以往

來當司詳酌伏請祇差官往洛京祭告南郊太廟其日

中書門下文武百官立班中書令侍中升靈座前讀寶

冊行告諡之禮今從勅牒所司擇日申請官員行事伏

請奏聞宣下者

追諡皇帝

梁肅祖宣元皇帝諱黯

舜司徒虎四十二代孫

開平元年七月追

尊宣元皇帝廟號肅祖葬興極陵

在單州碭山縣

敬祖光獻皇

帝諱茂琳

宣元皇帝長子母曰宣僖皇后范氏

開平元年七月追尊光獻

皇帝廟號敬祖葬永安陵

在單州碭山縣

憲祖昭武皇帝諱信

光獻皇帝長子母曰光孝皇后楊氏

開平元年七月追尊昭武皇帝廟號

憲祖葬光天陵

在單州碭山縣

烈祖文穆皇帝諱誠

昭懿皇后劉氏

開平元年七月追尊文穆皇帝廟號烈祖葬咸

寧陵

在單州碭山縣

右已上梁朝追尊四廟

後唐懿祖昭烈皇帝諱執宜

沙陀府都督拔野之六代孫

同光元年

閏四月追尊昭烈皇帝廟號懿祖葬永興陵

在代州鴈門縣

獻

祖文景皇帝諱國昌

昭烈皇帝長子母曰昭烈皇后崔氏

同光元年閏四

月追尊文景皇帝廟號獻祖葬長寧陵

在代州鴈門縣

太祖武

皇帝諱克用

文皇帝第一子母曰文景皇后秦氏

同光元年閏四月追尊

武皇帝廟號太祖葬建極陵

在代州鴈門縣

右已上後唐莊宗朝追尊三廟

按實錄并唐高祖太宗懿宗昭

宗共立
七廟

惠祖孝恭皇帝諱聿天成二年十二月追尊孝恭皇帝

廟號惠祖葬遂陵在應州金城縣毅祖孝質皇帝諱敘孝恭皇帝長子

母曰昭皇后崔氏天成二年十二月追尊孝質皇帝廟號毅祖

葬衍陵在應州金城縣烈祖孝靖皇帝諱琰孝質皇帝長子母曰順皇后張氏

天成二年十二月追尊孝靖皇帝廟號烈祖葬奕陵在應州金城縣

德祖孝成皇帝諱霓孝靖皇帝長子母曰穆皇后何氏天成二年

十二月追尊孝成皇帝廟號德祖葬慶陵在應州金城縣

右已上後唐明宗朝追尊四廟

晉靖祖孝安皇帝諱景衛大夫天福二年五月追尊孝

安皇帝廟號靖祖葬義陵肅祖孝簡皇帝諱邈孝安皇帝長子

母曰元皇后秦氏天福二年五月追尊孝簡皇帝廟號肅祖葬

惠陵睿祖孝平皇帝諱昱孝簡皇帝長子母曰恭皇后安氏天福二年

五月追尊孝平皇帝廟號睿祖葬康陵憲祖孝元皇帝

諱紹雍孝平皇帝長子母曰獻皇后米氏天福二年五月追尊孝元皇

帝廟號憲祖葬昌陵在北京晉陽縣

右已上晉朝追尊四廟

漢文祖明元皇帝諱湍東漢顯宗第八子淮陽王昞之後天福十二年

五月追尊明元皇帝廟號文祖葬文陵

閏七月追尊明元皇帝廟號文祖葬懿陵無陵所遙申朝拜德

祖恭禧皇帝諱昂明元皇帝長子母曰明貞皇后李氏天福十二年閏七

月追尊恭禧皇帝廟號德祖葬沛陵無陵所遙申朝拜翼祖昭

獻皇帝諱僕恭禧皇帝長子母曰恭惠皇后楊氏天福十二年閏七月追

尊昭獻皇帝廟號翼祖葬威陵北京晉陽縣是其所顯祖章聖皇

帝諱璵昭獻皇帝長子母曰昭穆皇后李氏天福十二年閏七月追尊章

聖皇帝廟號顯祖葬肅陵

右已上漢朝追尊四廟

周信祖睿和皇帝諱璟周號叔廣順元年七月追尊睿

和皇帝廟號信祖葬溫陵無陵所遙申朝拜僖祖明憲皇帝諱

諶睿和皇帝長子母曰睿恭皇后張氏廣順元年七月追尊明憲皇帝廟

號僖祖葬齊陵無陵所遙申朝拜義祖翼順皇帝諱蘊明憲皇帝長子

母曰明孝皇后申氏廣順元年七月追尊翼順皇帝廟號義祖葬

節陵無陵所遙申朝拜慶祖章肅皇帝諱簡翼順皇帝長子母曰翼敬皇后韓氏

廣順元年七月追尊章肅皇帝廟號慶祖葬欽陵

右已上周朝追尊四廟

皇后

梁太祖皇后張氏早崩開平二年追封賢妃至乾化二年十一月二十三日追冊曰元貞皇

后

少帝妃張氏

乾化五年九月二十四日冊為德妃其夕薨

後唐太祖皇后曹氏

同光元年四月冊為皇太后二年二月冊為皇太后所居宮宜名長壽宮至三年七月崩諡曰貞簡八月冊為皇太后所居宮宜名長壽宮使狀準禮及故事太常少卿定諡太常卿署定諡告天

地宗廟伏準禮文賤不得誅貴子不得爵母后必諡于廟者受成于祖宗今皇太后諡請太常卿署定後集百官連署諡狀訖讀于太廟太祖諡武皇帝室然後差丞郎一人撰冊文別定日命太尉上諡冊于西宮靈座同日差官告諡于天地太微宮宗廟如常告之儀從之至九月中書門下奏大行皇太后諡議合讀于太廟太祖武皇帝室其日合集兩省御史臺五品以上尚書省四品以上諸司三品以上官于太廟序立俟行告禮畢中書省班首一人升階詣太祖武皇帝讀諡訖奏聞別擇日上諡冊於西宮靈座及祭告天地宗廟從之

莊宗皇后劉氏

同光二年四月十三日冊為皇后莊宗遇內難奔于太原為符彥超所害晉天

福五年正月二十八日追諡曰神閔敬皇后

明宗皇后夏氏

早崩長興四年三月二十八日追諡曰昭懿皇后于太微宮之東建寢廟以安

神皇后曹氏

天成三年正月冊為淑妃長興元年五月冊為主

皇太后至清泰三年閏十一月隨末帝崩於後樓晉高祖使人獲葬至晉天福五年正月二十八日追冊日和武顯皇后魏氏初封魯國太夫人清泰二年二月中書於雲陽魏明帝繼體守文思外家于甄館而皆追崇徽號附饗廟廷克隆敬本之文式叶愛親之道臣等又覽國史竊見元宗皇帝母曰昭成皇后寶氏代宗皇帝母曰章敬太后吳氏始嬪朱邸成皇后寶氏代宗皇帝母君尊號咸追于聖母伏以魯國夫人發祥沙麓貽燬河洲三母俱賢周武最承于天統四妃有子唐侯光啟于

帝基仰惟當宁之情彌軫寒泉之思久虛殷薦慮損皇猷臣等謹上尊諡曰宣顯皇太后請依昭成章敬二太后故事擇日備禮冊命又臣等伏聞先太后舊陵未耐先朝則都下難崇別廟既追尊諡合册闕宮按漢朝故事園寢不在王畿或就陵所便立寢祠今商量上諡後權立祠廟以申告獻配禘之禮請俟他年從之

閔帝皇后孔氏 初封魯國夫人應順元年四月為末帝為閔哀

末帝皇后劉氏 清泰元年八月二十八日冊為皇后至三年閏十一月二十六日與帝遇難同崩于後樓

晉高祖皇后李氏 唐明宗第五女天成三年四月封永寧公主長興四年九月晉封魏國公主清泰二年三月改封晉國長公主至天福元年十一月尊為皇后七年六月尊為皇太后開運四年正月與

少帝同遷于契丹之黃龍府漢乾祐三年八月二十五日崩于番中之建州

少帝皇后張氏 天福八年十月冊

皇后馮氏 開運三年十月冊

漢高祖皇后李氏 天福十二年四月八日冊為皇后至乾祐三年七月冊為皇太后周廣順元年正月上尊號曰昭聖皇太后

周太祖皇后柴氏

世宗皇后劉氏 漢末遇害顯德四年四月追冊曰貞惠皇后

皇后符氏 顯德元年四月冊為皇后至三年七月冊為皇太后宣懿皇后也顯德六年六月冊為皇后

雜錄

後唐同光二年四月太常禮院奏准制以此月十三日
 行皇后冊禮今檢詳臨軒命使冊皇后舊儀皇后廟見
 如納后之儀受冊後合別定廟見日其日皇后乘重翟
 車鹵簿鼓吹儀仗前導從之又奏謹按開元禮臨軒冊
 皇后皇后表謝朝皇太后並如納后之儀不載朝謝皇
 帝之禮準納后儀則皇帝服袞冕降迎於門恐禮太重
 今詳酌其日常服御內殿皇后首飾禕衣尙儀引入至
 殿庭階閒再拜又再拜訖退如常儀從之

內職

梁太祖昭儀陳氏昭容李氏

後唐太祖妃劉氏同光元年四月冊為皇太妃魏國夫人陳氏唐乾

年冊為皇太妃

莊宗淑妃韓氏德妃伊氏並同光二年十二月冊以宰

天門登輅車鹵簿鼓吹前導至于永福門降車入右昭

儀侯氏封沂國夫人昭容夏氏封魏國夫人昭媛白氏封沂國夫人出

使美宣鄧氏封魏國夫人御正楚眞張氏封涼國夫人司簿德美

周氏封宋國夫人侍眞吳氏封渤海夫人懿才王氏封太原夫人成一

韓氏封昌黎郡夫人瑤芳張氏封清河郡夫人懿德王氏封瑯琊郡夫人宣一

馬氏封扶風郡夫人並同

明宗德妃王氏號淑妃應順元年閏正月十三日冊為

昭媛劉氏封趙國夫人孫氏封楚國夫人御正張氏封曹國夫人司寶

郭氏封魏國夫人司贊于氏封鄭國夫人尚服王氏封衛國夫人司記

崔氏封蔡國夫人司膳翟氏封滕國夫人司醞吳氏封莒國夫人婕妤

高氏封渤海人美人沈氏封太原人順御朱氏封吳郡人司飾

聊氏封潁川人司衣劉氏封彭城人司藥孟氏封咸陽人梳篋

張氏封清河人衣服王氏封太原人櫛篋傅氏封潁川人知客

張氏封清河人衣服王氏封太原人櫛篋傅氏封潁川人知客

張氏賜號尚書故江氏追封濟陽郡夫人以上皆長興三年

內職敘而行之內人李氏封隴西縣君崔氏封清河縣君李氏封成紀縣君田

氏封咸陽縣君白氏代內職皆無封君之禮此一時之制

晉高祖潁川郡夫人蔡氏天福三年

少帝寶省李氏封隴西郡夫人張氏封春宮夫人充皇后宮尚

勅日前左御正齊國夫人吳氏進封燕國夫人書省魏國夫人崔

氏進封梁國夫人前右御正天水郡夫人趙氏封衛國夫人司簿孟

氏封汧國夫人前司簿李氏封隴西郡夫人弟子院使齊氏大使郭

氏封汧國夫人前司簿李氏封隴西郡夫人弟子院使齊氏大使郭

氏封汧國夫人前司簿李氏封隴西郡夫人弟子院使齊氏大使郭

氏封汧國夫人前司簿李氏封隴西郡夫人弟子院使齊氏大使郭

氏封汧國夫人前司簿李氏封隴西郡夫人弟子院使齊氏大使郭

氏封汧國夫人前司簿李氏封隴西郡夫人弟子院使齊氏大使郭

氏封汧國夫人前司簿李氏封隴西郡夫人弟子院使齊氏大使郭

氏封汧國夫人前司簿李氏封隴西郡夫人弟子院使齊氏大使郭

氏封汧國夫人前司簿李氏封隴西郡夫人弟子院使齊氏大使郭

鄭國夫人河南郡夫人元氏進封齊國夫人番知客出使夫人石氏

封武威郡夫人春宮姚氏常氏焦氏王氏陶氏魏氏趙氏等七

人並超封寶省婉美趙氏封天水郡夫人武氏已下十一人並授

春宮天福八年十一月清河郡夫人張氏彭城郡夫人劉氏並本

后宮司寶南陽郡夫人路氏出使夫人趙氏白氏並充皇后

運二年八月勅

周太祖貴妃張氏廣順元年二月追冊淑妃楊氏廣順元年九月追冊德妃

董氏廣順元年四月冊尚儀趙氏封汧國夫人尚服蘇氏封岐國尚

宮甫氏封汾國夫人司賓高氏封渤海郡夫人司賓柴氏封平陽司

賓茹氏封潁川郡夫人司記丁氏封隴西郡夫人司記劉氏封彭城典

寶李氏封隴西縣君司寶王氏封瑯琊縣君司正李氏封隴西縣君司

正王氏封瑯琊縣君尚食李氏封隴西縣君尚功曹氏封鉅鹿縣君司

衣李氏封隴西縣君司藥林氏封會稽縣君司藥翟氏特封潯陽縣君並廣

順元年八月勅

出宮人

梁開平元年九月勅西宮所有前朝宮人宜放出宮任

從所適

後唐天成元年四月赦勅後宮內職量留一百人其餘

任歸骨肉

五代會要卷一

五代會要卷二

宋王

溥

撰

諸王

梁太祖長子友裕

開平三年十月追封

第二子友文

博王

元年五月九日冊封第三子友珪

郢王 開平元年五月九日封至

偽改鳳歷元年二月十七日京城軍亂侍衛都將袁象先率兵入宮友珪自殺少帝即位追削為庶人第

五子友璋福王第六子友雍賀王第七子友徽建王

平元年五月九日封第八子友敬康王

乾化三年三月十三日封

後唐太祖第二子存美邕王第三子存霸永王第四子

存禮薛王第五子存渥申王第六子存暈陸王第七子

存確通王第八子存紀雅王並同光三年閏十二月封

莊宗長子繼岌魏王同光元年四月中書門下奏皇子准故事合帶宮使請以繼岌為興

聖宮使從之至三年九月二十三日封為魏王繼潼繼蟾繼嵩繼堯皆皇子也同光三年二月勅並可光祿大夫檢校

司徒明宗第二子從璟為元行欽所殺天成三年六月追贈太保未封王第三子從

榮秦王長興元年八月封至四年十一月謀逆伏誅追削為庶人清泰元年十二月勅故庶人從榮獲

罪先帝胎禍厥身已歷歲時未營宅兆雖軫在念宜從有國之規且令中書門下商量葬禮尋據太常禮

院狀奏請准唐貞觀中庶人承第四子從璨為安重誨乾流死黔州仍葬以公禮從之

四年三月責授房州司戶參軍尋殺之第五子從益許

至長興四年七月追贈太保未封王

王長興四年五月封至晉天福四年封郟國公為二王後奉唐帝祀至開運三年契丹犯京師復封為許王

尋為契丹將蕭翰偽立為帝知南朝軍國事漢高祖入洛遇害

末帝長子重吉為愍帝所害未封王清泰元年七月追冊為太尉立廟于宋州第二子

重美雍王清泰三年正月封

晉高祖長子重英號王第二子重父壽王權洛京留守為張從賓所

害第三子重胤郟王第四子重信沂王權河南節度使為張從賓所害

第五子重進夔王並天福七年四月追封第六子重杲陳王天福六年

五月追封第七子重睿許州節度使未封王

五代會要

卷二

二

少帝長子延煦遙領陝府節度使第二子延寶遙領曹州節度使按實錄皆帝

之從子養為己子

漢高祖長子承訓魏王天福十二年二月追封第三子承勳陳王

周廣順元年三月追封

周太祖第二子侗郟王第三子信杞王並漢未遇害顯德四年四月追封

封

世宗長子宗誼越王漢未遇害顯德四年四月追封第三子宗讓曹王

改名第四子熙謹紀王第五子熙誨斬王並顯德六年追封

雜錄

後唐同光四年正月內人郡主景姪奏唐昭宗諸王及皇子弟宗屬千餘人當朱梁弑逆之時同時遇害為三坑瘞于內西古龍興寺北請合為一冢改葬勅宜令太常禮院以故濮王一人為首一品禮葬仍委河南府監護其事

長興元年九月太常禮院奏草定冊秦王儀注博士段顥議曰據開元禮臨軒冊命諸王大臣其日受冊者朝服從第鹵簿與百官俱集朝堂就次受冊通事舍人引不載謁廟還第之儀自開元已後冊拜諸王皆正衙命

使詣延英門進冊皇帝御內殿高品引王入立于位高
 品宣制讀冊王受冊訖歸院亦無乘輅謁廟之禮臣按
 五禮精義云古者皆因禘嘗而發爵祿所以示無自專
 稟之于祖宗也今雖冊命不在禘嘗然拜大官封大邑
 必至殿廷敬順之道也今當司欲准開元禮其日秦王
 服朝服自理所乘輅車備鹵簿與羣臣俱集朝堂就次
 受冊訖至應天門外奉冊置於載冊之車秦王升輅出
 謁太廟訖歸理所儀仗鹵簿如來時之儀從之

公主

梁太祖長女安陽公主

降羅廷規早卒開平三年八月追封

長樂公主

趙降

巖開平元年五月十一日封

普寧公主

降王昭旌開平元年五月十一日封

金華公主

開平二年十月封

真寧公主

乾化三年十月五日封

少帝長女壽春公主

乾化三年四月五日封

第二女壽昌公主

貞明

元年九月二十三日封

後唐武帝長女瓊華長公主

降孟知祥同光三年十二月封

第二女瑤

英長公主

降張延釗同光三年十二月封

明宗長女永寧公主

降晉高祖天成三年四月封至長興四年九月改封魏國公主清泰

二年三月進封

第十三女興平公主

降趙延壽天成三年四月封至長興

晉國長公主

卷二

四

四年九月改封齊國公主至清泰二年三月進封燕國長公主第十四女壽安公主長興

四年六月封第十五女永樂公主長興四年

晉高祖長女長安公主降楊承祚天福二年五月封至六年五月卒追封秦國公主至

七年九月又追封梁國長公主從長女高平縣主第二女新平縣主第

三女千乘縣主孫女永慶縣主並天福七年五月封

漢高祖長女永寧公主降宋延渥天福十二年四月封至乾祐二年十二月進封秦國

長公主

周太祖第三女樂安公主為漢室所害廣順元年二月追封至顯德四年四月又追

封莒國第四女壽安公主降張永德廣順元年四月封至顯德元年四月封晉國長

公主第五女永寧公主廣順元年九月追封至顯德四年四月又追封梁國長公主

宗廟婚禮

後唐同光二年七月太常禮院奏按本朝舊儀自一品至三品婚姻得服袞冕劍佩衣九章今皇子與聖宮使繼岌雖未封建官是檢校大尉合准一品婚姻施行其妃準禮婦人從夫之爵亦准一品命婦禮至親迎日太常鹵簿鼓吹前導乘輅車其妃花釵九枝博鬢褕翟衣九等其日平明皇帝差官告親廟一室宗正卿攝婚主行禮其夕親迎與聖宮使乘輅車鹵簿鼓吹前導至女

氏之門以結綵車御輪交車從之
 晉天福四年八月中書門下奏據太常禮院定來年長
 安公主出降儀太僕寺供厭翟二馬車殿中省備團方
 編扇各十六行障三座障三傘一大扇一團大扇二今
 車障傘扇是同光年皇后法物欲修飾牙仗厭翟車后
 以四馬今權去二馬從之
 五年二月太常禮院奏長安公主以三月出降按唐德
 宗朝禮儀使顏真卿議婚用誕馬在禮無文周禮諸侯
 以璋聘女禮云玉以比德今請駙馬都尉加以璋郡王

之婿加元纁以代用馬書函之禮出自近代事無正經
 請廢之勿用詔曰納采之時主人再拜使者不答雖開
 元禮具載其儀今宜答拜仍令鄭王重貴主其婚禮中
 外不賀餘依所奏

親拜郊

梁太祖南郊二開平三年正月二十四日

後唐莊宗南郊一同光二年二月一日

明宗南郊一長興元年二月二十一日其夜微雨上召
 也夜至半雨止天色清朗
 如晝皆以為聖德所感

周太祖南郊一顯德元年正月一日

雜錄

梁開平二年十一月南郊禮儀使奏今檢詳禮文皇帝
赴南郊服通天冠絳紗袍登玉輅法駕鹵簿自清遊隊
已下諸衛將軍平巾幘緋兩襜大口袴錦騰蛇銀隱起
金帶刀弓箭似飛執旗人引駕三衛並武弁緋兩襜大
口袴供奉官並武弁服色各一人步從餘文武官及導
駕士絳衣平巾幘餘並戎服准式近侍導駕官自三引
車從本縣令州府御史大夫即朝服各乘輅車前導其

引駕官員不總備車輅自中書令侍中已下則公服內

諸司使並常服內人服色禮文不載其年自東京赴洛都行郊天禮自石

橋備前件儀仗至郊壇

三年正月以河南尹張宗奭為南郊大禮使故事皆以宰相為之

今用河南尹充非常例也

後唐同光二年正月禮儀使奏南郊朝饗太廟合祭天
地於園丘舊制以親王充亞獻終獻行事乃以皇子繼
岌為亞獻皇弟存紀為終獻

天成四年九月太常禮院奏來年二月十八日致齋於

明堂准舊儀皇帝服通天冠絳紗袍文武五品已上著袴褶陪臣近侍祇著朝服從之

周廣順三年九月太常禮院奏准勅定郊廟制度洛陽郊壇在城南七里丙巳之地園丘四成各高八尺一寸下廣二十丈再成廣十五丈三成廣十丈四成廣五丈十有二陛每節十二等燎壇在泰壇之丙地方一丈高一丈二尺闊上南出戶方六尺請下所司修奉從之時

祖將拜南郊故修奉之

親饗廟

梁太祖二饗廟

開平三年正月二十三日其年十月三十日

後唐莊宗一饗廟

同光二年正月二十九日

明宗一饗廟

長興元年二月十九日

周太祖一饗廟

廣順三年十二月二十九日

廟儀

梁開平元年夏四月太祖初受禪乃立四廟于西京從近古之制也

後唐同光二年六月十日太常禮院奏國家興建之初已於北都置廟今尅復天下遷都洛陽卻復本朝宗廟

按禮無二廟之文其北都宗廟請廢下尙書王正言等奏議曰伏以宮室之制宗廟爲先今卜洛居尊開基御宇事當師古神必依人北都先置宗廟不宜並設況每年朝享禮有常規時日旣同神何所據竊聞古道例亦從權於神主已修迎之藏於夾室若廟宇已崇虛之以爲常制昔齊桓公之廟二主禮無明文古者師行亦無遷於廟主夫天后之崇鞏洛禮爲非宜漢皇之戀豐滕事無所法況本朝故事禮院具明洛邑舊都高邱正位豈宜遠宮闕之居建祖宗之廟事非可久理在從長其

北都宗廟請准太常禮院申奏宜從廢停從之
天成元年中書舍人馬縞奏曰伏見漢晉以來以諸侯王宗室承襲帝統除七廟之外皆別追尊私親漢光武皇帝立先四代於南陽其後桓帝已下亦皆上考前修追崇先代乞依兩漢故事別立親廟詔下尙書省集百官定議禮部尙書蕭頊等議曰伏見方冊所載聖概斯存將達蘋藻之誠宜新粢稅之制臣等集議其追尊位號及建廟都邑乞依馬縞所奏

二年中書門下又奏伏以兩漢以諸侯王入繼帝統則

五代會要 卷二
必易名上諡廣孝稱皇載於諸侯故事孝德皇孝仁皇
孝元皇是也伏乞聖慈俯從人願許取皇而薦號兼上
諡以尊名改置園陵仍增兵衛遂詔太常禮院定其儀
制太常博士王丕等引漢桓帝入嗣尊其祖河間孝王
曰孝穆皇帝父蠡吾侯曰孝崇皇帝爲例請付太常卿
定諡刑部侍郎權判太常卿馬縞復議曰依准兩漢故
事以諸侯王宗室入承帝統亦必追尊父祖修樹園陵
西漢宣帝東漢光武孝享之道故事具存自安帝入嗣
遂有皇太后令別崇諡法追曰某皇所謂孝德孝穆之

類是也前代惟孫皓自烏程侯繼嗣追父和爲文皇帝
事出非常不堪效順今據禮院狀漢安帝已下若據本
紀又不見有帝字伏以諡法德象天地曰帝伏緣禮院
以曾奏聞難將兩漢故事便述尊名請召百官集議右
僕射李琪等議曰伏覩歷代以來宗廟成制繼襲無異
沿革或殊馬縞所奏誠有經據乞下制命令馬縞虔依
典冊以述尊名乃下詔曰朕聞開國承家得以制禮作
樂故三皇不相襲五帝不相沿隨代創制於理無爽矧
或情關祖禰事係烝嘗且追諡追尊稱皇與帝既有減

增之字合陳褒貶之辭大約二名俱爲尊稱若三皇之代不可加帝五帝之代不可言皇爰自秦朝便兼其號至若玄元皇帝事隔千祀宗追一源猶顯冊於鴻名豈須遵于漢典況朕居九五之位爲億兆之尊不可總二名于渺躬惜一字于先代苟隨執議何表孝誠可委宰臣與百官詳定集兩班於中書各陳所見唯李琪等請于祖禰二室先加帝字宰臣合眾議奏曰恭以朝廷之重宗廟爲先事係承祧義符致美且聖朝追尊之日卽引漢氏舊儀在漢朝封崇之時復依何代故事理關凝

滯未協聖謨道合變通方爲民則且王者功成治定制禮作樂正朔服色尙有改更尊祖奉先何妨沿革若應州必立別廟卽地遠上都今據開元中追尊皋陶爲德明皇帝涼武昭王爲興聖皇帝皆立廟于京都臣等商量所議追尊四廟望依御札若並加皇帝之號兼請于洛京立廟勅宜于應州舊宅立廟餘依所奏其年八月太常禮院奏莊宗神主以此月十日祔廟七室之內合有祧遷中書門下奏議議祧懿祖一室後下百寮集議禮部尙書蕭頊等奏議請從中書所議從之

應順元年正月中書門下奏太常以代行山陵畢祔廟
 今太廟見享七室高祖太宗懿宗昭宗獻祖太祖莊宗
 大行升祔禮合祧遷獻祖請下尚書省集議太子太傅
 盧質等議曰臣等以親盡從祧垂于舊典疑事無質素
 有明文頃莊宗皇帝再造寰區復隆宗廟追三祖于先
 代復四室于本朝式遇祧遷旋成沿革及莊宗升祔以
 懿祖從祧蓋非嗣立之君所以先遷其室光武滅新之
 後始有追尊之儀比祧在於南陽元不歸于太廟引事
 且踈于故實臣等須稟于新規將來升祔先朝次合祧

遷獻祖既叶隨時之義又符變體之文從之

時議者以懿祖賜姓

于懿宗以支庶繫大宗例宜以懿祖為始祖次昭宗可也
 不必祖神堯而宗太宗若依漢光武則宜於代州立
 獻祖而下親廟其唐廟依舊禮行之可也而議諡者忘
 咸通之懿宗又稱懿祖父子俱諡於理可乎將朱耶三
 世與唐室四廟連敘昭穆非禮也議祧者不知受氏于
 唐懿宗而祧之今又及獻祖以禮始祧昭宗次祧獻祖
 可也而懿祖如唐景皇帝豈可祧乎

晉天福二年正月中書門下奏皇帝到京未立宗廟望
 令所司速具制度典禮以聞從之二月太常博士段顥
 議曰夫宗廟之制歷代為難爰求禮經以昭故實謹按
 尚書舜典曰正月上日受終于文祖此是堯之廟也猶

未載其數又按郊禮錄夏立五廟商立六廟周立七廟漢初立祖宗廟于郡國共計一百六十七所後漢光武中興後別立六廟魏明帝初立親廟四後重議依周法立七廟晉武受禪初立六廟後卻立七廟宋武帝初立六廟齊朝亦立六廟隋文帝初受命立親廟四至大業元年煬帝欲遵周法議立七廟次屬傅禪于唐武德元年六月四日始立四廟于長安至貞觀九年命有司詳議廟制遂立七廟至開元十一年後創立九廟又按禮記喪服小記曰王者禘其祖之所自出以其祖配之而

立四廟鄭元注云高祖以下至禘四世卽親廟也更立始祖爲不遷之廟共五廟也又按禮記祭法及玉制孔子家語春秋穀梁傳並云天子七廟諸侯五廟大夫三廟士一廟此是降殺以兩之義又按尙書咸有一德曰七世之廟可以觀德又按疑義云天子立七廟或四廟蓋有其義也如四廟者從禘至高祖已上親盡故有四廟之禮又立七廟者緣自古聖王祖有功宗有德更封始祖卽于四親廟之外或祖功宗德不拘定數所以有五廟六廟或七廟要後代子孫觀其功德故尙書云七

世之廟可以觀德矣又按周捨云自江左已來晉宋齊梁相承多立七廟今願等參詳唯立七廟卽通其理伏緣宗廟事大不敢執以一理定之故檢四廟七廟之文參酌厥禮俱得其宜他所論者並皆勿取伏請下三省集百官詳議勅從之左僕射劉昫等議曰臣等今月八日伏奉勅命于尚書省集議太常博士段願所議宗廟事伏以將敷至化以達萬方克致平和必先宗廟故禮記王制云天子七廟諸侯五廟大夫三廟疏云周制之七者太祖廟及文王武王之祧與親廟四太祖后稷也

殷六廟契及湯與二昭二穆夏則五廟太祖禹與二昭二穆而已自夏及周少不減五多不過七又云天子七廟皆據周也有其人則七無其人則五若諸侯廟制雖有其人則不過五此天子諸侯七五之異明矣至于三代已後魏晉宋齊隋及唐初多立六廟或四廟蓋于建國之始不盈七廟之數也今欲請立自高祖已下四親廟其始祖一廟未敢輕議伏候聖裁御史中丞張昭奏議曰臣前月中預都省集議宗廟事伏見議狀於親廟之外請別立始祖一廟近奉中書門下牒再令百官于

王代會要 卷二
都省議定聞奏者臣讀十四代史書見二千年故事觀
諸家宗廟都無始祖之稱惟殷周二代以稷契爲太祖
禮記曰天子七廟三昭三穆與太祖之廟而七鄭元注
云此周制也七者太祖后稷及文王武王與四親廟又
曰殷人六廟契及成湯與二昭二穆也夏后氏立五廟
不立太祖惟禹與二昭二穆而已據王制鄭元所釋即
殷周以契稷爲太祖夏后氏無太祖亦無追諡之廟自
殷周以來時更十代皆于親廟之中以有功者爲太祖
無追崇始祖之例具引今古卽恐詞繁事要證明須陳

梗概漢以高祖父太上皇執嘉無社稷功不立廟號高
祖自爲高祖魏以曹公相漢垂三十年始封于魏故爲
太祖晉以宣皇輔魏有功立爲高祖以景帝始封于晉
故爲太祖宋氏先世官閭卑微雖追崇帝號劉裕自爲
高祖南齊高帝之父位至右將軍生無封爵不得爲太
祖高帝自爲太祖梁武帝父順之左右齊室封侯位至
領軍丹陽尹雖不受封於梁亦爲太祖陳武帝父文讚
生無名位以武帝有功梁室贈侍中封義興公及武帝
卽位亦追爲太祖周閔帝以父泰相西魏經營王業始

封于周故爲太祖隋文帝輔周室有大功始封于隨故
爲太祖唐高祖神堯祖父虎爲周八柱國隋代追封唐
公故爲太祖唐末梁室朱氏有帝位亦立四廟朱氏先
世無名位雖追冊四廟不立太祖朱公自爲太祖此則
前代追冊太祖不出親廟之成例也王者祖有功而宗
有德漢魏之制非有功德不得立爲祖宗殷周受命以
稷契有大功于唐虞之際故追尊爲太祖自秦漢之後
其禮不然雖祖有功仍須親廟今亦粗言往例以取證
明秦稱造父之後不以造父爲始祖漢稱唐堯劉累之

後不以堯累爲始祖魏稱曹參之後不以參爲始祖晉
稱趙將司馬卬之後不以卬爲始祖宋稱漢楚元王之
後不以元王爲始祖齊梁皆稱蕭何之後不以蕭何爲
始祖陳稱太邱長陳寔之後不以寔爲始祖元魏稱李
陵之後不以陵爲始祖後周稱神農之後不以神農爲
始祖隋稱楊震之後不以震爲始祖唐稱皋陶老子之
後不以皋陶老子爲始祖唯唐高宗則天武后臨朝革
唐稱周便立七廟仍追冊周文王昌爲始祖此蓋當時
附麗之徒不諳故實武立姬廟乖越已甚曲臺之人到

今曠謂臣遠觀秦漢下至周隋禮樂衣冠聲明文物未
有如唐室之盛武德議廟之初英才閒出如溫魏顏虞
通今古封蕭薛杜達禮儀制度憲章必有師法夫追先
王先母之儀起于周代據史記及禮經云武王纘太王
王季文王之緒一戎衣而有天下尊爲天子宗廟享之
周公成文武之德追王太王王季祀先公以天子之禮
又曰郊祀后稷以配天據此言之周武雖祀七世追爲
王號者但四世而已故自東漢已來有國之初多崇四
廟從周制也況殷因夏禮漢習秦儀無勞博訪之文宜

約已成之制請依隋唐有國之初創立四廟推四世之
中名位高者爲太祖謹議以聞勅宜令尙書省集議奏
聞左僕射劉昫等再奏議曰臣等今月十三日再于尙
書省集百官詳議夫王者祖武宗文郊天祀地故有追
崇之典以申配享之儀竊詳太常禮院議狀唯立七廟
卽並通其理其他所論並皆勿取七廟者按禮記王制
曰天子七廟三昭三穆與太祖之廟而七鄭元注云此
周制也詳其禮經卽是周家七廟之定數四廟者謂高
曾祖禰四世也按周本紀及禮記大傳皆曰武王卽位

五代會要 卷二
追王太王王季文王以后稷爲堯稷官故追尊爲太祖
此則卽周武王初有天下追尊四廟之明文也故自漢
魏以降迄於周隋創業之君追尊不過四世約周制也
此禮行之已久事在不疑今參詳都省前議狀請立四
廟外別引始祖取裁未爲定議續准勅據御史中丞張
昭奏請創立四廟之外無別封始祖之文況國家禮樂
刑名皆依唐典宗廟之制須酌舊章請依唐朝追尊獻
祖宣皇帝懿祖光皇帝太祖景皇帝代祖元皇帝故事
追尊四廟爲定從之

七年七月太常禮院奏國朝見享四廟靖祖肅祖睿祖
憲祖今大行皇帝將行升祔按會要唐武德元年立四
廟于長安至貞觀九年高祖神堯皇帝崩命有司詳議
廟制議者以高祖神主併舊四室祔廟今先皇帝神主
請同唐高祖升祔從之

漢天福十二年閏七月太常博士段顥奏議曰伏以宗
廟之制歷代爲難須按禮經旁求故實又緣禮貴隨時
損益不定今參詳歷代故事請立高曾祖禰四廟更上
追遠祖光武皇帝爲始祖百代不遷之廟居東向之位

共爲五廟庶符往例又合禮經詔尙書省集議吏部尙書竇貞固等議曰按禮記王制云天子七廟諸侯五廟大夫三廟疏云周制之七廟者太祖及文王武王之祧與親廟四太祖后稷也又云天子七廟皆據周也有其人則七無其人則五至于光武中興及歷代多立六廟或四廟蓋建國之始未盈七廟之數又按郊祀錄王肅云德厚者流澤廣天子可以事六代之義也今欲請立高祖已下四親廟又自古聖王祖有功宗有德卽于四廟之外祖功宗德不拘定數今除四親廟外更請上追

高皇帝光武皇帝共六廟從之

周廣順元年正月中書門下奏太常禮院議曰合立太廟室數若守文繼體則魏晉有七廟之文若創業開基則隋唐有四廟之議聖朝體通禮追諡四廟伏恐所議未同請下百官集議太子太傅和凝等議曰恭以肇啟洪圖惟新黃屋左宗廟右社稷率由舊章崇祖禰辨尊卑載于前史雖質文互變義趣各殊或觀損益之規咸繫興隆之始陛下體元立極本義祖仁開變家成國之基遵奉先思孝之道據禮官議立四親廟允叶前文從

之

五代會要卷二

五代會要卷三

宋

王

溥

撰

廟制度

後唐天成三年十一月太常定議少帝諡昭宣光烈孝
 皇帝廟號景宗博士呂朋龜奏謹按禮經臣不誅君稱
 天以諡之是以本朝故事命太尉率百寮奉諡冊告天
 于園丘迴讀于靈前並在七月之內諡冊入陵若追尊
 定諡命太尉讀諡冊于太廟藏冊于本廟伏以景宗皇
 帝頓負沈冤歲月深遠園陵已修不耐於廟則景宗皇

帝親在七廟之外今聖朝申冤追尊定諡重新帝號須撰禮儀又禮云君不逾年不入宗廟且漢之殤沖質君臣已成晉之惠懷愍俱負艱難皆不列廟食止祀於園寢臣等竊詳故實欲請立景宗皇帝廟于園所命使奉冊書寶綬上諡于廟便奉大牢祀之其四時委守令奉薦請下尚書省集三省官詳議施行左散騎常侍蕭希甫等請依禮院所奏敕宜令本州城內選地起廟哀帝崩于

曹州立廟

四年五月中書門下奏先據太常寺定少帝諡昭宣光

烈孝皇帝廟號景宗生曾為帝饗乃承祧既號景宗合入宗廟如不入廟難以言宗於理而論祧一遠廟安少帝神主于太廟既昭穆序而宗祧正今或且居別廟即請不言景宗但云昭宣光烈孝皇帝兼冊文內有基字是元宗廟諱雖尋常敕詔皆不迴避少帝是繼世之孫不欲斥烈聖之諱今改基為宗字從之按風俗通陳孔璋云尊卑有般喪祭哀敬各有攸終欲令言著而可遵事施而不犯禮云卒哭之後宰執木鐸徇于宮曰捨故而諱新故謂毀廟之主也恩遠屬絕名不可諱今昭宣上去元宗十四世奏改冊文非典故也

晉天福四年十一月太常禮院奏議立唐廟引武德年

五代會要 卷三
故事祀隋三帝今請立近朝莊宗明宗閔帝三廟庶合
前規詔曰德莫盛於繼絕禮莫重於敬先莊宗立興復
之功明宗垂光大之業逮于閔帝實繼本枝然則丕緒
洪源皆尊唐室繼周者須崇后稷嗣漢者必奉高皇將
啟嚴祠當崇茂典宜立唐高祖太宗及莊宗明宗閔帝
五帝之廟其月太常禮院又奏唐廟制度請以至德宮
正殿隔爲五室三分之南去地四尺以石爲埒中容二
主廟之南一屋三門門戟二十有四東西一屋一門門
無棨戟廟中牀鑪盤帳燭亭香寶案盛酒爵彝洗罇玷

位席祭服率如常制四仲之祭一羊一豚如其中祀幣
帛牲牢之類光祿主之祠祝之文不進不署神廚之具
鴻臚督之五帝五后凡十主未遷者六未立者四未諡
者三高祖太宗與其后暨莊宗明宗凡六主在清化里
之寢宮祭前二日以殿中繖扇二十迎置新廟以行享
禮閔皇帝莊宗明宗二后及魯國孔夫人神主四座請
修製祔廟及三后請定諡法從之

周廣順元年二月太常禮院上言准勅遷漢廟入昇平
宮其唐晉兩朝皆五廟遷移今漢七廟未審總移爲復

祇移五廟勅宜准前勅並移於昇平宮其法服神廚齋院祭器祭服饌料皆依中祀例用少牢光祿等寺給其讀文太祝及奉禮郎太常寺差每仲享以漢宗子爲三獻從之

三年九月太常禮院言准洛京廟室一十五間中分爲四室兩頭有夾室四神門每門屋三間每門戟二十四別有齋宮神廚屋宇准禮左宗廟右社稷在國城內請下所司修奉從之

時太祖將行郊禮遷宗廟于東京故有是議

顯德六年七月詔以大行皇帝山陵有期神主將祔太

廟其廟屋宇合添修否國子司業兼太常博士聶崇義奏曰奉勅爲大行皇帝山陵有期神主祔廟恐殿室缺少合重添修今請廟內相度若是添修廟殿一間至五間並須移動諸神門及角樓宮牆仗舍及當殿正面檐楹堦道亦須近東省牲立班位直至齋宮漸更迫窄今檢到古今禮文伏緣太廟東西各有夾室伏請遷易諸室安大行皇帝神主以合禮文者一按唐禮太廟唯有六室至開元元年加至九廟遂有九室至大曆十四年十二月十一日代宗神主將祔太廟太常奏緣遷祔須

五代會要 卷三
加夾室中幃室又元和三年十月九日重修太廟先是宗正奏下所司卜擇起修日間奏太常禮院詳定禮料其合遍告九室奉移神主權于廟南門內殿庭少西設行廟幕殿一十二間置冊床幕屋五間告前二日有司陳設畢告料准常禮有司供備其行廟外令左右金吾差兵守衛如式今重折廟殿續更添脩不唯重勞兼恐未便竊見廟殿見虛東西二夾室況有未祧遷之主欲請不折廟殿更添間數即便將夾室安排六室位次所有動移神主若准舊禮于廟庭權設行廟幕殿即恐兩

水猶多難于陳設請權于太廟齋宮內奉安神主至修奉畢日庶爲宜稱一按禮記云廟成則于中屋刲羊以釁之夾室則用雞又大戴禮及通典亦有夾室察文觀義乃是備廟之制況新主祔廟諸經有遷易之名考古沿今庶合通理伏請遞遷諸室奉安大行皇帝神主以符禮意勅從之

禘祫

後唐長興元年九月太常禮院奏來年四月孟夏禘享於太廟謹按禮經三年一禘以孟夏五年一祫以孟冬

五代會要 卷三
已毀未毀之主並合食于太祖之廟逐廟功名之臣配
享于本廟之庭寶應元年定禮奉景皇帝爲始封之祖
既廟號太祖百代不遷每遇禘祫位居東向之尊自代
祖元皇帝高祖太宗已下列聖子孫各序昭穆南北相
向合食於前聖朝中興重修宗廟見享高祖太宗懿宗
昭宗獻祖太祖莊宗七廟太祖景皇帝在祧廟之數不
列廟享將來禘祫若奉高祖居東向之尊則禘享不及
于太祖代祖若以祧廟太祖居東向之位則又違于禮
意今所修奉祧廟神主及諸色法物已備合預請參詳

事須具狀申奏勅下尙書省集議戶部尙書韓彥暉等
奏議曰伏以本朝尊受命之祖景皇帝爲始封之君百
代不遷長居廟食自貞觀至于天祐無所改更聖祖神
孫左昭右穆自中興國祚再議宗祊以太祖景皇帝在
祧廟之數不列祖宗欲尊太祖之位將行東向之儀爰
命羣臣同議可否伏覩本朝列聖之舊典明皇定禮之
新規開元十年特立九廟子孫遵守歷代無虧今旣行
七廟之規又已祧太祖之室昔德宗朝將行禘祫之禮
顏真卿議請奉獻祖神主居東向之位景皇帝暫居昭

穆之列考之於貞元則以爲誤徵之於今日正得其禮
今欲請每遇禘祫之歲暫奉景皇帝居東向之尊自元
皇帝已下序列昭穆從之

周顯德五年六月禘于太廟先是言事者以王家宗廟
無祧廟之主不當行禘祫之禮國子司業聶崇義以爲
前代備廟累遷及追尊未毀者皆有禘祫援引故事九
條以爲其證曰魏明帝以景初三年崩至五年二月祫
祭明年又禘自茲以後五年爲常且魏以武帝爲太祖
至明帝始三帝而已未有毀主而行禘祫其證一也宋

文帝元嘉六年祠部定十月三日殷祀其太學博士議
禘云按禘祫之禮三年一禘五年再宋自高祖至文帝纔
亦三帝未有毀主而行禘祫其證二也梁武帝用謝廣
議三年一禘五年一祫謂之殷祭禘祭以夏祫祭以冬
且梁武乃受命之君僅追尊四廟而行禘祫則知祭者
是追養之道以時移節變孝子感而思親故薦以首時
祭以仲月閒以禘祫序以昭穆乃禮之經也非關宗廟
備不備其證三也唐禮貞觀九年將祔高祖于太廟國
子司業朱子奢請准禮立七廟是時乃立六廟而行禘

五代會要 卷三
祫今檢會要及通典并禮閣新儀皆載此禮並與實錄符同此乃廟亦未備而行禘祫其證四也貞觀十六年四月己酉光祿大夫宗正卿紀國公段綸卒太宗甚傷悼爲不視朝將出臨之太常奏禘祫祭致齋不得哭乃止此明太宗之時宗廟未備實行禘祫其證五也貞觀二十三年自九嶷葬回迎神主于太極殿之西階日中行虞祭之禮有司請依典禮以神主祔廟高宗欲留神主于內寢旦夕供養申在生之敬詔停祔禮英國公李勣等抗表固請曰竊惟祖功宗德飾終之明典文昭武

穆嚴配之明訓今停祔廟奉徇哀情卽據典章乖替爲甚又國哀已後而廟停時祭逾月之後須申大祫以唐禮九廟觀之自太宗已上纔足七廟未有毀主將申大祫其證六也貞觀十六年四月癸丑有司言將行禘祭依今禮祫享功臣並得配享于廟庭禘享則不配請命禮官學士等議太常卿韋挺等議曰其禘及時享功臣皆應不預故周禮六功之官皆大蒸而已大蒸卽祫祭也梁初誤禘功臣左丞駁議武帝允而依行降及周隋俱遵此禮竊以五年再祫合諸天道一大一小通人推

論小則人臣不預大則兼及有功今禮禘無功臣誠謂
理不可易太宗改令從禮載詳此論該曉歷代援據甚
明又貞觀年中累陳禘祫其證七也高宗上元三年有
司祫享于太廟止有七室未有遷主通典會要及禮閣
新儀具明此禮其證八也中宗景龍三年八月帝將祀
南郊欲以韋皇后助行郊禮國子司業郭山等議云皇
朝舊禮園丘分祭天地唯有皇帝親拜更無皇后助祭
之文及時享并禘祫亦無助祭之事今據中宗之代國
子祭酒等舉禘祫之文稱是皇朝舊禮又明太宗高宗

之朝皆行禘祫其證九也疏奏從之

配享功臣

後唐莊宗廟故昭義節度使李嗣昭故幽州節度使周
德威故汴州節度使符存審並長興二年四月勅

緣廟裁製

周廣順元年四月中書門下奏太常禮院申七月一日
皇帝御崇元殿命使奉冊四廟准舊儀服袞冕卽座太
尉引冊案入皇帝降座引立于御座前南向中書令舉
冊案進皇帝搢瓘推授冊使跪受轉授昇冊官其進寶

五什會要 卷三
授寶儀如冊案臣等參詳至時請皇帝降階授冊從之
三年九月太常禮院奏奉迎太廟神主到京未審皇帝
親出郊外迎奉否檢討故事元無禮例伏乞召三省集
議勅宜令尚書省四品以上中書門下五品以上同參
議司徒竇貞固司空蘇禹珪等議案吳主孫休卽帝位
迎其祖父神主于吳郡入耐太廟前一日出城野次明
日常服奉迎此其例也遂署狀言以車駕出城奉迎爲
是請下禮儀使草定儀注至十月禮儀使奏太廟神主
將至前一日禮儀使出城掌次于西御莊東北設神主

行廟幄幕面南其日放朝羣臣早出西門皇帝常服出
城詣行宮羣臣起居畢就次神主將至羣臣班定皇帝
立于班前神主至太常卿請皇帝再拜羣臣俱拜神主
就行廟幄幕坐設常饌羣臣班于神幄前侍中就次請
皇帝謁神主既至羣臣再拜皇帝進酒畢再拜羣臣俱
拜皇帝還幄羣臣先赴太廟門外立班俟皇帝至起居
候神主至羣臣班于廟門外皇帝立于班前太常卿請
皇帝再拜羣臣俱拜皇帝還幄羣臣就次宮闈令安神
主於本室訖羣臣班于廟庭太常卿請皇帝于四室奠

享逐室皇帝再拜羣臣俱拜四室祔享畢皇帝還宮前
件儀注望付中書門下宣下從之

社稷

周廣順三年九月太常禮院奏社稷制度社壇廣五丈
高五尺五色土築之稷壇制度如社壇之制度社壇石
主長五尺方二尺刻其上方其下半根在土中四垣華
飾每神門屋三間一門門二十四戟四隅連飾采恩如
太廟之制中可樹槐准禮左宗廟右社稷在國城內請
下所司修奉從之

時太祖將行郊禮故
遷社稷于東京修之

嶽瀆

梁開平三年八月詔曰封嶽告功前王重事祭天肆觀
有國常規朕以眇身恭臨大寶既功德未敷于天下而
災祥互降于域中慮於告謝之儀有缺齋虔之禮爰修
昭報用契幽通宜令中書侍郎平章事于兢往東嶽祭
告訖

晉天福六年正月勅嶽鎮司方海瀆紀地載于祀典咸
福蒸民將保豐穰宜申虔敬其嶽鎮海瀆廟宇宜各令
修葺仍禁樵採

開運三年二月詔令復祭中嶽宜差河南少尹往彼行

禮故事五嶽皆本處觀察使親齋御降祝文行禮頃因

禮張全義為河南尹以年德俱高遂令賓從攝祭近日

兼差府屬卑官至是因左周顯德七年十月詔今年冬祭海宜就差登州刺史張

順起今後逐年就差更不差使

寒食拜掃

漢乾祐三年三月寒食隱帝奉皇后幸南御園家祭樞

密使三司使從之人君奉先之道無寒食野祭近代莊

宗每年寒食出祭謂之破散故襲而

周廣順元年二月寒食太祖出元化門至蒲池設御帳
遙拜諸陵非人君之禮也

武成王廟

後唐長興三年五月七日國子博士蔡同文奏伏見武

成王廟中每上戊釋奠漢留侯張良配坐武安君吳起

等為十哲當排祭之時止于武成王張良十哲面前其

范蠡等六十四人圖形於四壁面前並無酒醢自今後

乞准本朝舊制例武成王廟四壁諸英賢畫像面前請

各設一豆一爵祀享中書帖太常禮院檢討禮例分析

申者禮院檢郊祀錄釋奠武成王廟中祀例祭以少牢其配座十哲見今行釋奠之禮伏自喪亂已來廢四壁英賢之祭今准帖爲國子博士蔡同文奏武成王廟四壁英賢請各設一豆一爵祀享者當司今詳郊祀錄武成王從祀諸英賢各邊二實以栗黃牛脯豆二實以菜菹鹿醢簠簋各一實以黍稷飯酒爵一禮文所設無一豆一爵之儀奉勅武成王廟四壁英賢自此每至釋奠准郊祀錄各陳脯醢諸物以祭

周顯德五年閏七月兵部申春秋上戊釋奠武成王廟每祭差獻官三員初獻官上將軍充亞獻官上將軍充終獻官將軍充於漢乾祐三年奉中書門下指揮帶使相上將軍不差自後祇差大將軍行事仍改亞獻爲再獻官終獻爲三獻官

祭器

周廣順三年九月南郊禮儀使奏用珪璧制度准禮祀上帝以蒼璧地祇以黃琮祀五帝以珪璋琮琥璜其玉各依本方正色祀日月以珪璋祀神州以兩珪有邸其用幣天以蒼色地以黃色配帝以白色日月五帝各從

本方之色皆長一丈八尺其珪璧之狀璧圓而琮方珪上銳而下方半珪曰璋琥爲虎形半璧曰璜其珪璧琮璜皆長一尺二寸四珪有邸邸本也珪著於璧而四出也日月星辰以珪璧五寸前件珪璧有圖樣而長短之說或殊按唐開元中元宗詔曰禮神以玉取其精潔比來用珉不可行也如或以玉難辦寧小其制度以取其真今郊廟所修珪璧量玉大小不必皆從古制伏請下所司修製從之

顯德四年四月禮官博士等准詔議祭器祭玉制度國

子祭酒尹拙引崔靈恩三禮義宗云蒼璧所以禮天其長十有二寸蓋法天之十二時又引江都集禮白虎通等諸書所說云璧皆外圓內方又云黃琮所以禮地其長十寸以法地之數其琮外方內圓八角而有好國子博士聶崇義以爲璧內外皆圓其徑九寸按阮氏鄭元圖皆云九寸周禮玉人職又有九寸之璧及引爾雅云肉倍好謂之璧好倍肉謂之瑗肉好若一謂之環郭璞註云好孔也肉邊也而不載尺寸之數崇義又引冬官玉人云璧好三寸爾雅云肉倍好謂之璧蓋兩邊肉各

三寸通好共九寸則其璧九寸明矣崇義又云黃琮八方以象地每角各刻出一寸六分共長八寸厚一寸按周禮疏及阮氏圖並無好又引冬官玉人云琮八角而無好崇義又云琮璜珪璧俱是禮天地之器而爾雅唯言璧環瑗三者有好其餘諸器若琮璜等者並不言之則璜琮八角而無好明矣時太常卿田敏以下以崇義援引周禮正文爲是乃從之

牲牢

梁開平二年七月勅祭祀之典有國大事如聞官吏慢

於恪敬禮容牲選有異精虔宜令御史臺疏其條件聞奏

周顯德二年八月兵部尙書張昭等奏今月十二日奉聖旨以每年祭祀多用太牢念其耕稼之勤更備犧牲之用比諸豢養牲可愍傷令臣尋討故事可以他牲代否臣仰稟綸言退尋禮籍其三牲八簋之制五禮六樂之文著在典彝迭相沿襲累經朝代無所改更臣聞古者祭燔黍捭豚尙多質略近則梁武麩牲竹脯不可宗師雖好生之德則然于奉先之儀太劣蓋禮主於信

五代會要 卷三
孝本因心黍稷非馨鬼神享德不必牲牢之巨細籩豆
之方圓苟血祀常保於宗祧而犧牲何須於繭栗但以
國之大事儒者久行易以他牢恐未爲便以臣愚管見
其南北郊宗廟社稷朝日夕月等大祠如皇帝親行事
備用三牲如有司攝行事則用少牢已下雖非舊典貴
減犧牛其月太常少卿田敏又奏臣奉聖旨爲祠祭用
犢事今太僕寺供犢一年四季都用犢二十二頭唐武
德九年十月九日詔祭圜丘方澤宗廟已外並可止用
少牢用少牢者用特牲時和年豐然後克修常禮又天

寶六載正月十三日赦文今後每大祭祀應用騂犢令
所司量減其數仍永爲常式其年起請以舊料每年用
犢二百一十二頭今請減一百七十三頭止用三十九
頭餘祀享並宜停用犢至上元二年九月二十一日赦
文圜丘方澤任依常式宗廟諸祠臨時獻熟其年起請
昊天上帝太廟各太牢一餘祭則令隨事而供若據天
寶六載自二百一十二頭減用三十九頭據武德九年
每年用犢十頭圜丘四方澤一宗廟五據上元二年起
請惟昊天上帝太廟又無方澤祇九頭矣今國家用牛

五仁會要 卷三
比開元天寶則不多比武德上元則過其大半按會要
太僕寺有牧監掌孳課之事乞今後太僕寺養孳課牛
其犢遇祭昊天前三月養之滌宮取其蕩滌清潔餘祭
則否若臨時買牛恐非典故奉勅今後祭園丘方澤社
稷並依舊用犢其太廟及諸祠宜准上元二年九月二
十一日制並不用犢如皇帝親行事則依常式其日又
詔曰今後諸祠祭應有牲牢香幣饌料供具等仰本司
官吏躬親檢校務在精至行事儀式依附禮經大祠祭
合用樂者仍須祀前教習凡關祀事宜令太常博士及

監察御史用心點檢稍有因循必行朝典

五代會要卷三

五代會要卷四

宋

王

溥

撰

緣祀裁製

梁開平三年九月詔曰國之大事惟祀與戎須委元臣以專重務今後在京大小祀及諸色祠祭並委宰臣薛貽矩專判

後唐同光二年三月十日祠部奏本朝舊儀太微宮每年五薦獻其南郊壇每年四祠祭吏部申奏請差中書門下攝太尉行事其太廟及諸郊壇並吏部差三品以

上攝太尉行事從之至其年七月中書門下奏據尙書祠部狀每年太微宮五薦獻南郊壇四祠祭並宰相攝太尉行事唯太廟時祭獨遣庶僚所爲舊規慮成闕禮臣等商量今後太廟祠祭亦望差宰臣行事從之

三年十一月禮儀使奏伏准禮經喪三年不祭唯天地社稷爲越紼行事此古制也爰自漢文益尊神器務徇公絕私之義行以日易月之制事久相沿禮從順變今園陵已畢祥練旣除宗廟不可以乏享神祇不可以廢祀宜從禮意式展孝思伏請自貞簡太后升祔禮畢應

宗廟伎樂及羣祀並准舊施行從之

天成四年九月太常寺奏伏見大祠則差宰臣行事中祠則差諸寺卿監小祠則委太祝奉禮今後凡小祠請差五品官行事從之其年十月二十七日中書門下奏太微宮太廟南郊壇宰臣行事宿齋百官皆入白事伏以奉命行事精誠齋宿旣徧見於朝官涉不虔於祠祭今後宰臣行事文武兩班望令並不得到宿齋處者奉勅宜依其年十二月中書門下奏今後宰臣致齋內請不押班不知印不赴內殿起居或遇國忌應行事官受

誓戒後並宜不赴行香拜不奏覆刑殺公事及大祠致齋內請不開宴從之

長興二年五月尚書左丞崔居儉奏大祠中祠差官行事皇帝雖不與祭其日亦不視朝伏見車駕其日或出於禮不便今後請每遇大祠中祠車駕不出從之

四年二月太常博士路航奏比來小祠已上公卿皆著祭服行事近日唯郊廟太微宮具祭服五郊迎氣日月諸祠並祇常服行事兼本司執事人等皆著隨身衣裝狼藉鞋屨便隨公卿升降於壇墀按祠部令中祠已上

應齋郎等昇壇行事者並入給潔服事畢收納今後中祠已上公卿請具祭服行事執事昇壇人並著履具緋衣幘子又臣檢禮閣新儀太微宮使卯時行事近年依諸郊廟例五更行事今後請依舊以卯時從之

清泰元年五月中書門下奏據太常禮院申明宗今月二十日祔廟太尉合差宰臣攝行緣馮道在假李愚十八日私忌在致齋內今劉昫又奏見判三司事煩請免祠事今與禮官參酌諸私忌日遇大朝會入閣宣召尚赴朝參今祔享事大忌日屬私致齋日請比大朝會宣

五代會要 卷四
召例差李愚行事從之
晉天福七年十一月勅天地宗廟社稷及諸祠事等訪
問自前所司承管多不精潔宜令三司預支一年諸司
合請祠祭禮料物色等於太廟置庫仍差宗正丞石載
仁專主掌監察御史宋彥昇監庫兼差供奉官陳審璘
往洛京於太廟內穩便處修葺庫屋五間俟畢日催促
所支物色監送入庫交付訖取收領文狀歸閣每有祠
祭諸司合請禮料至時委監庫御史宋彥昇宗正丞石
載仁旋旋給付其大祠中祠兼令監祭使檢點饌造小

祠卽令行事官檢點如致慢易本司當准格科罪其祭
器未有者修製已有者更仰整飭

開運三年六月西京留司監祭使奏以祠祭所定行事
官臨日或遇疾病或奉詔赴闕留司稟敕已遲乞以留
司吏部郎中一人主判有缺便依次第定名庶無缺事
從之

周廣順三年九月南郊禮儀使奏郊廟祝文按禮例云
古者文字皆書于冊唐初悉用祝版唯陵廟用玉冊元
宗親祭郊廟用玉爲冊德宗朝博士陸淳議准禮用祝

版祭祀訖燔之乃從其議貞元六年親祭又用竹冊今
詳酌禮例用祝版爲宜從之

顯德五年閏七月一日御史臺奏見行事件諸司寺監
逐季請到祠祭禮料幣帛腳錢等於宗正寺監祭使與
本寺官同掌候至日供應逐季所祭享郊壇祠廟並是
禮部差官具名銜牒報監祭使大祠前七日起尚書省
受戒誓如其日有官不到具名銜申奏申堂前三日致
齋前二日請道引赴祠所中祠不受戒誓前二日致齋
前一日請道引赴祠所小祠不受戒誓候吏部牒到獻

官名銜監祭使點檢封記印禮料并諸司祇應人等發
牒差驅使官管押赴所交割逐祠祭諸司赴郊壇所等
至午時與公卿行事官立班告潔省牲點饌畢給付大
官令監廚造饌至來日五更於壇所食饌畢行事點檢
有食饌祭器不精應奉有缺其本司人吏量罪責罰郊
壇太廟宰臣攝太尉行事至受誓戒及赴祠廟日監祭
使具錄公卿行事官名銜申迎班狀應行事官未受誓
戒前牒陳有故請假並是吏部別差官行事如受誓戒
後及致齋之內有官陳牒有故請假監祭使差次官通

攝行事祠祭前一日本寺按闕申堂如至行事日音律
樂官祇應前卻監祭使量罪區分太廟夾室行祫享之
禮所差行事公卿等並聽別敕指揮諸祠祭有同日享
祀監祭使具狀申御史中丞請差官祀若是無官可差
監祭使牒太常博士通攝如缺太常博士監祭使通攝
祠祭行事公卿官員職掌等每至冬寒請柴炭太常禮
院差禮生請給監祭使監散

親謁陵

後唐末帝清泰三年九月車駕將北幸太常博士段顯

奏河陽路當徽陵今車駕經由合親朝謁於是至陵所
朝拜

周世宗顯德元年六月車駕征太原回親拜嵩陵望陵
號慟至陵所俯伏哀泣感於左右再拜訖祭奠而退賜
奉陵將吏及近陵人戶帛有差

公卿巡陵

後唐清泰二年正月宗正寺奏北京永興長寧建極三
陵應州遂衍奕三陵準曹州溫陵例下本州府官朝拜
雍坤和徽四陵太常宗正卿朝拜從之

五代會要 卷四
晉開運三年七月八日中書門下奏太常禮院狀得宗
正寺牒今年八月擇日朝拜諸陵今太卜署擇用八月
十二日庚午告北京義惠康昌四陵準天福二年七月
敕宜就昌陵都朝拜其朝拜官以本府上佐官充行事
禮料亦準上供備

皇后陵

後唐同光三年十月貞簡皇太后葬于坤陵初上欲祔
於代州太祖園陵中書門下奏議曰伏以人君以四海
爲家不當分異南北洛陽是帝王之宅四時朝拜理須

便近不能遠幸代州且漢朝諸陵皆近秦雍國朝陵寢
布列京畿後魏文帝自代遷洛之後園陵皆在河南兼
敕應勳臣之家不許北葬今魏氏諸陵尙在京畿祔葬
代州理未爲允從之

雜錄

後唐同光二年三月以尙書工部郎中李途爲長安兩
路檢視諸陵使其年五月二十四日敕宗正寺嚴切指
揮諸陵臺令丞不得輒令影占人戶其諸陵舊例合破
巡入仍令酌量額定數目自本州縣于中等人戶內差

五代會要 卷四
遣交付陵所切不得自招影占人戶攬擾鄉村致妨縣
司差遣色役使仰密具本官姓名申奏當行朝典仍具
條約曉示諸陵臺及本州縣訖聞奏其年八月中書門
下奏諸陵臺令丞並請停廢以本縣令兼知陵臺事從
之

三年六月敕關內諸陵頃因喪亂例遭穿廢多未掩修
其下宮殿宇法物等各令奉陵州縣府據所管陵園修
製仍四時各依例薦享遂陵各差近陵百姓二十戶放
雜差役充陵戶以備灑掃其壽陵等一十陵亦一例修

掩量置陵戶仍授尚書工部郎中李途京兆少尹充奉
修諸陵使

周廣順元年正月敕文唐莊宗明宗晉高祖宜各置守
陵十戶以近陵人戶充五月宗正寺奏準故事諸陵有
令丞各一員近令丞不置便委本縣令兼之今緣河南
洛陽是京邑恐兼令丞不便伏候敕旨敕特置令丞各
一員

忌日

後唐天成三年又八月九日敕尚書兵部郎中蕭愿奏

五代會要 卷四
每遇宗廟不樂之辰宰臣到寺百官立班是日降使賜香準案禁樂斷屠宰止刑罰者帝忌后忌之辰舊制皆有齋會蓋申追遠以表奉先多難已來此事久廢今後每遇大忌宜設僧道齋一百人列聖忌日齋僧道五十人忌日既不視朝固難舉樂所奏止刑罰斷屠宰宜依兼河南府向來送酒行香宰臣自此止絕天下州府至國忌日並令不舉樂止刑罰斷屠宰餘且依舊四年十二月中書門下奏今後大忌前一日請不坐朝從之

晉天福五年正月御史中丞竇貞固奏每遇國忌行香宰臣跪爐僧人表讚文武百官儼然列坐今後伏請宰臣跪爐百官依常位立班從之仍令行香之後齋僧一百人永爲定制

諱

後唐天成元年六月十二日敕朕聞古者酌禮以製名懼廢於物取其難犯而易避貴便于時況徵在二名抑有前例恭以太宗皇帝自登寶位不改舊稱時則臣有世南官有民部靡聞曲避止禁連呼朕以眇躬託於人

五仁會要 卷四 九
上冀遵聖範非敢有廢文書內所有二字但不連稱並
不得迴避如是臣下之名不欲與君親同字者任自更
改務從所便庶體予懷

三年正月詔曰本朝列聖及新追四廟諱近日章奏偏
傍文字皆闕點畫凡當出諱止避正呼若迴避於偏傍
則虧缺於文字宜從朴素庶便公私此後凡廟諱但避
正文其偏傍文字不必減少點畫其年八月詔曰凡有
姓犯廟諱者改以本望爲姓

清泰二年五月中書門下奏御名上一字與諸王相連

按太宗元宗廟故事人臣諸王合避相連字改從單名
從之

晉天福三年二月中書門下奏禮經云禮不諱嫌名二
名不偏諱注云嫌名謂聲音相近若禹與雨邱與區也
二名不偏諱謂孔子之母名徵在言在不稱徵言徵不
稱在此古禮也唐太宗元宗二名皆諱人姓與國諱音
聲相近是嫌名者亦改姓氏與古禮有異若廟諱平聲
字卽不諱側聲若諱側字卽不諱平聲所諱字正文及
偏傍皆闕點畫望令依令式施行敕朝廷之制今古相

五代會要 卷四
沿道在人宏禮非天降況以方開歷數虔奉祖宗雖逾孔子之文未爽周公之訓冀崇孝行永載簡編所爲二名及嫌名事依唐禮施行

冊命

梁開平元年八月敕朝廷之儀封冊爲重用報勳烈以隆恩榮固合親臨式光典禮舊章久缺自我復行今後每冊封大臣宜令有司備臨軒之禮

後唐同光二年二月太常禮院奏準制尚書令秦王李茂貞備禮冊命檢詳舊儀無不帶節度使封冊之命宜

準故襄州節度使趙匡凝封楚國例施行秦王受冊自備革輅一乘載冊犢車一乘并本品鹵簿鼓吹如儀從之

三年六月太常禮院奏吳越國王錢鏐將行冊命按禮文合用竹冊敕宜令有司修製玉冊俾稱元勳

議者以玉冊帝

王所用不合假諸人臣蓋當時樞密使郭崇韜不詳禮故也

天成三年十一月十八日中書奏舊制凡降冊命至尊臨軒伏自陛下纂襲繼有封崇但申節度之儀尙缺臨軒之禮今後或封冊請御正衙雖勞萬乘之尊冀重九

五仁會要 卷四
天之命如此則行之時禮備受之者感深寧唯轉耀于皇猷實亦永標於青史從之仍付所司

清泰元年六月中書門下奏據太常禮院申冊拜王公如在京城所司備鹵簿車輅法物皇帝臨軒行冊禮如在外鎮正衙命使押冊赴本道行禮車輅法物故事不出都城禮無明文今奉制命幽州趙德鈞封北平王青州房知温封東平王皆備禮冊命其合用車輅法物在兵部太常太僕寺請載往本州行禮後送納本司從之

舉人自代

舉官附

後唐清泰二年正月尙書吏部員外郎劉鼎奏臣伏覩建中元年正月敕中外文武臣寮授官上任後三日舉一人自代事下中書如除用選人所薦多者擬議多事已來此敕久廢今後重乞舉行從之

漢乾祐元年正月赦節文應內外常參官宜準唐建中故事上任後三日表舉一人自代

後唐天成二年六月戶部尙書李鱗奏應昇朝官四品以上各許薦令錄兩人五品六品官各許薦簿尉兩人敕所舉人除官後仍於官告內坐舉官姓名赴任之後

或有不公連坐舉主兼三品以上有舊諳行止堪充兩使判官者各具才業上聞

周顯德二年正月二十一日御札一應在朝文資官翰林學士兩省官內有曾歷藩郡賓職州縣官者宜各舉堪爲令錄者一人務在強明清慎公平勤恪其中有已曾任令錄亦許稱舉並當擢用不拘選限資序雖姻族近親亦無妨嫌祇須舉狀內具言除官之日仍署舉主姓名若在官貪濁不公懦弱不治職業廢缺處斷乖違並量事狀輕重連坐仍令御史臺催促本官旋具奏聞

限兩月舉狀齊足如出使在外者候迴日準此指揮四年六月敕一應在朝文資官各令再舉一人堪充令錄及兩使防禦團練軍事判官者自前或因公過微有殿犯者亦許稱舉餘準顯德二年正月二十一日御札處分其年八月詔應在朝上將軍統軍大將率府副率等宜令各舉有武勇膽力騎射趨捷堪爲軍職者兩三人仍具年歲及歷職去處聞奏如已在禁軍者不在稱舉候舉到日並當比試騎射看驗人材雖是姻親亦宜公舉但于狀內具言如應任用之後不副所舉卽量事

狀輕重坐舉主

五年五月詔在朝文資官各令再舉堪爲幕職令錄者一人所舉幕職州縣官罷任後便與除官仍並許赴闕

皇太子親王見三師禮

後唐長興四年七月三日太常寺奏奉敕詳定太子諸王見師傅禮如左一準開元禮皇太子與師傅保相見前一日尉衛設次於宮門外道西南向伶官展軒懸於庭其日諸衛所部屯門列仗典謁設師傅保位于西階之西東向三少位次之少退俱東向北上師傅保及三

少至宮門通事舍人引師傅保就次左庶子奏中嚴伶官師工人入就位通事舍人引師傅保及三少立于正殿門西差退俱東向左庶子奏外辦皇太子著常服以出侍衛如常承和樂作至東階下西向立樂止通事舍人引師傅保及三少入樂作就位樂止皇太子再拜師傅以下答拜若三少見時則三少先拜通事舍人引師傅以下出樂作出門樂止左庶子跪奏稱臣某言禮畢一又準禮閣新儀皇太子受冊後前二日尙舍設次于崇明門外南向又設師傅保中書門下文武百官東西

相向以北爲上宮臣及皇親陪其後次左庶子奏外備中官褰簾皇太子常服出次南向立侍從如常儀次中書門下就北向位再拜訖禮官贊皇太子再拜訖中書門下班首一人前進賀訖復位再拜皇太子答賀訖又再拜皇太子揖中書門下訖相次退通事舍人禮官贊皇太子再拜師傅等少避位訖師傅爲班首者一人進賀訖復位再拜皇太子答賀訖又再拜皇太子揖師傅退出內侍奉引皇太子就座南向座訖通事舍人引文武宮臣三品以下入就北向重行異位立定奉禮曰再

拜訖左庶子一人進跪奏具官臣某等言賀訖復位皆再拜各分班東西序立奉禮曰再拜在位官皆再拜訖左庶子少前跪奏具官臣某言禮畢近侍垂簾皇太子降座宮臣侍衛仗散如儀一準會要貞觀十七年上謂房元齡曰太子三師以德導人者也若師禮卑則太子無所取則於是詔令撰三師儀注太子出殿門迎先拜三師三師答拜每門讓三師坐太子乃坐與三師書前名惶恐後名惶恐再拜右據太常禮院狀謹檢開元故事禮閣新儀及會要分析如前其師傅見親王不同皇

太子見師傅臣請師傅親王對拜揖各退奉敕宜依

鄉飲

後唐清泰二年九月中書門下帖太常以長興三年敕諸舉人常年薦送先令行鄉飲酒之禮宜令太常草定儀注班下諸州預前肄習解送舉人之時便行此禮其儀速具奏聞初長興中宰臣李愚好古奏行此禮累年不暇至是愚復奏及觀禮官所定無緒禮官孫知訓以古禮無次序不可施行博士或言梁朝時青州曾行一度遂令青州訪舊簿書以聞竟不能行

講武

梁開平元年十月駕幸繁臺講武至二年七月改爲講

武臺

按地理志本西漢梁孝王所築謂之吹臺其後有繁氏居其側故里人呼爲繁臺

牋表例

後唐同光二年八月敕四京併諸道州府及京百司應申奏諸色公事奏狀等先曾指揮並須實封斜角其常呈奏狀於斜封上明題所爲公事或干軍機言不題事直至御前開封進呈事宜指揮四京及諸道令散下管內諸州依元宣旨處分其在京百司仍令御史臺各錄敕文曉告

天成元年七月敕三京諸道節度團練使防禦使刺史

文武將吏州縣職員皆進月旦起居表其四孟月旦並可止絕

三年七月二十一日敕今後天下諸州刺史及係屬節鎮團練防禦使除應聖節冬至端午外謝上及每月起居慶賀章表並付本道封進其餘公事準往例節度觀察使膽覆奏聞

長興元年五月太常禮院奏皇后今月十四日受冊準舊儀外命婦並合赴皇后受冊正殿門外就次俟受冊訖司賓引入就位奉賀今未有命婦院請準例上表賀

中書門下奏其諸道節度使上表賀皇帝其在朝外命婦所上皇后表章進呈訖不下令報答自此不更進表皇子妻駙馬公主及近密親舊或有慶賀及進起居章表內中委人主掌進呈後祇宣示來使並不下令從之其月太常禮院奏按儀制令百官上疏於皇后曰皇后殿下中外臣寮外命婦慶賀祇呼殿下不言皇后中書覆奏據太常禮院狀若祇呼殿下恐未合宜至如舊制皇太子亦呼殿下若無分別何顯尊卑凡上皇后表章內請呼皇后殿下若不形文字尋常並呼皇后從之

二年五月樞密院條疏諸道報軍機表狀於斜封上不
得言爲何事宜二字

晉天福二年十月中書門下奏按禮閣新儀貞元二年
十月七日御史臺奏每月慶賀及諸上表並合上公行
之制可今後凡有謝賀上表望並準元敕上公行之如
三公闕令僕已下行之中書門下別貢表章從之

五代會要卷四

